
PWYLLGOR YMGYNGHOROL HARBWR PWLLHELI
23-03-10

Yn Bresennol: Mr Michael Parry, (Cymdeithas Pysgotwyr Llŷn) Cadeirydd.

Y Cynghorydd Robert J. Wright, (Cyngor Gwynedd), David Dewsbury a Brian Edmunds, (Cymdeithas Cychod Hafan Pwllheli), Stephen Tudor (Clwb Hwyllo Pwllheli), David Hughes, (Siambr Fasnach Pwllheli), Dr.J..L. Jones Morris, (Pwyllgor Ymgynghorol Harbwr Porthmadog)

Hefyd yn bresennol: Barry Davies (Swyddog Morwrol a Pharciau Gwledig), Wil Williams, (Rheolwr Hafan Pwllheli), Huw Davies, (Prif Beiriannydd), Llyr B. Jones, (Uwch Reolwr Economi a Chymuned), ac Ioan Hughes, (Swyddog Pwyllgor).

Erail a wahoddwyd i'r cyfarfod: S. P. Lewis a Duncan Hassall, (Cwmni Mouchel Consulting).

1. **YMDDIHEURIADAU :** Y Cynghorwyr Peter Read a Sion Selwyn Roberts, (Cyngor Gwynedd), Y Cynghorydd Michael Sol Owen, (Cyngor Tref Pwllheli) a Mr John Morris, (Cymdeithas Masnachwyr Morwrol Pwllheli).

2. **DATGAN BUDDIANT PERSONOL**

Ni dderbyniwyd datganiad o fuddiant personol gan unrhyw aelod oedd yn bresennol.

3. **COFNODION**

Llofnododd y Cadeirydd gofnodion cyfarfod o'r Pwyllgor Ymgynghorol a gynhaliwyd ar 13 Hydref, 2009, fel rhai cywir.

4. **ADRODDIAD Y GWASANAETH MORWROL**

Cyflwynwyd adroddiad y Swyddog Morwrol a Pharciau Gwledig gyda sylw'n cael ei roi i wahanol faterion yn unigol:

Ffioedd a Thaliadau

Adroddodd y swyddog fod y ffioedd a thaliadau drafft harbyrau a gwasanaethau cyffredin ar gyfer 2010/11 wedi eu hanfon er cymeradwyaeth at y Swyddogion Statudol a'r Arweinydd Portffolio. Eisoes cadarnhawyd ffioedd yr Hafan a disgwylir cadarnhad o'r ffioedd parthed Harbwr Pwllheli cyn diwedd mis Mawrth.

Nid oedd y swyddog yn rhagweld newid yn y ffioedd a'r taliadau drafft, ac yr oedd yn falch o ddatgan na fydd cynnydd yn wynebu'r rhai sy'n byw yn barhaol yng Ngwynedd. Bydd ffioedd a'r taliadau i'r rhai sy'n byw tu allan i Wynedd yn cynyddu 1%.

Nododd y swyddog y bydd ail-gyflwyno TAW o 17.5% yn golygu cynnydd bach mewn costau i'r holl ddefnyddwyr.

Hyd yma dychwelwyd 95 o ffurflenni cadarnhau angorfeydd ar gyfer yr harbwr allanol yn briodol a nododd y swyddog fod y nifer cymharol isel a gadarnhawyd hyd yma yn siomedig. Ychwanegodd fod 151 o gleientiaid angorfeydd yn yr harbwr allanol yn ystod y flwyddyn ariannol hon gyda 181 o angorfeydd ar gael.

Cyflwynwyd diweddariad ar y sefyllfa yn Hafan Pwllheli a nodwyd fod 410 o gcontractau adnewyddu wedi eu cyflwyno. Dychwelodd 365 o gleientiaid eu ffurflenni cadarnhau. Nid oedd 30 o gleientiaid am adnewyddu eu cytundeb angori yn 2010/11. Mae cyfanswm o 44 wedi tynnu'n ôl. Nododd y swyddog fod y nifer ar y rhestr aros wedi gostwng i 202.

Rhagwelir y bydd cynnydd mewn chwyddiant i bob harbwr yng Ngwynedd am 2010/11 yn negyddol ar – 1.05%. Nodwyd bod hyn yn cyfateb i ostyngiad bach o £2,600 yng nghyfanswm targed incwm cyffredinol harbyrau. Nodwyd y bydd cynnydd mewn chwyddiant yn Hafan Pwllheli yn 0.64%, sy'n golygu cynnydd o £9,890 yn y targed incwm am 2010/11.

Cyfeiriwyd at lwyddiant Hafan Pwllheli a'r harbwr allanol yn y gorffennol gyda'r ddau yn cyrraedd, neu hyd yn oed yn rhagori ar eu targed incwm. Fodd bynnag, yn 2009/10 rhagwelir y bydd diffyg bychan yn yr incwm. O ystyried yr amgylchiadau economaidd byd eang, nododd y swyddog y bydd angen i'r Uned Morwrol weithredu er mwyn sicrhau fod y gwariant cyffredinol a'r targedau incwm yn cael eu cyflawni. Er hyn nid oedd am weld safonau'n gostwng.

Ni fydd cynnydd yn y ffioedd a'r taliadau sy'n ymwneud â lansio Cychod Pŵer a Badau Dŵr Personol a nododd y swyddog na fu newid yn y ffioedd ers deng mlynedd gan fod ffioedd lansio wedi cyrraedd eu huchafbwynt.

Nodwyd y bydd targed incwm cyffredinol yr Uned Morwrol yn cynyddu i £2 130,970 ar gyfer 2010/11

Carthu

Ar gyfer yr eitem yma, croesawodd y Cadeirydd Mr S. P. Lewis a Mr Duncan Hassall, o Gwmni Mouchel Consulting, sy'n goruchwyllo'r contract o garthu basn y marina a sanel ddynesu'r harbwr.

Fel rhan o'r gwaith carthu cychwynnodd y gwaith o wagio'r lagŵn ddistyllu ym mis Rhagfyr 2009. Gwnaed y rhan yma o'r cynllun ar gost o tua £175,000 gyda'r deunydd a symudwyd yn cael ei gludo i Ffridd Rasmus ger Harlech.

Bellach mae'r gwaith carthu'n mynd ymlaen yn dda a disgwylir cwblhau'r gwaith cyn diwedd Ebrill, 2010. Bu peth oedi ar gychwyn y gwaith ac oherwydd hyn bu'n amhosib cwblhau'r gwaith cyn y Pasg. O ganlyniad bydd toriad yn y gwaith rhwng 1 Ebrill a 12 Ebrill 2010.

Esboniodd cynrychiolwyr Cwmni Mouchel y dulliau a ddefnyddir i wneud y carthu, a nodwyd fod y cynllun yn cael ei ddarparu trwy flaenoriaethu'r manau sydd angen eu clirio.

Gofynnodd aelod a fyddai'r gwaith yn cynnwys lledu ceg yr harbwr. Pwysleisiodd yr aelod y byddai hyn yn fanteisiol ac yn osgoi trafferthion o orfod carthu yno'n aml. Esboniwyd na fydd ceg yr harbwr yn cael ei ledw eleni, ond bydd rhaid blaenoriaethu unrhyw waith carthu.

Eglurwyd bod llawer yn dibynnu ar y capasiti sydd ar gael yn y lagŵn ddistyllu er gwaredu deunydd a fydd wedi ei garthu ym masn yr Hafan a'r sanel fordwyo. Eglurwyd y bydd y swyddogion yn monitro ceg yr harbwr yn rheolaidd er ceisio sicrhau fod unrhyw waith carthu yn cael ei raglennu. Atgoffwyd aelodau mai drwy ddefnyddio peiriannau ar y tir y bydd ceg yr harbwr yn cael ei garthu a bod unrhyw ddeunydd a fydd wedi ei garthu yn cael ei storio ar dir cyfagos. Ychwanegwyd fod y capasiti sydd ar gael ar gyfer storio'r deunydd ar y tir wedi lleihau yn ystod y deuddeng mis diwethaf .

Galwodd aelod ar i'r deunydd a fydd wedi ei garthu o geg yr harbwr gael ei ddefnyddio'n lleol.

Nodwyd fod safon y deunydd a symudwyd o'r lagŵn ddistyllu yn llawer gwell na'r disgwyl a gobeithir yn fawr y bydd yr hyn sy'n cael ei garthu ar hyn o bryd o safon uchel. Diolchodd aelod i'r Swyddog Morwrol a Pharciau Gwledig am ei gydweithrediad a'r modd y bu'n ymdrin â'r cynllun.

Cyllidebau

Cyflwynwyd dadansoddiad ariannol Hafan Pwllheli a'r harbwr allanol ar 31 Rhagfyr 2009. Tynnwyd sylw at y ffaith fod y targed incwm sy'n ymwneud â Harbwr Pwllheli yn £119,760 ar gyfer 2009/10 a bod cyfanswm yr incwm a grëwyd hyd ddiwedd Rhagfyr 2009 yn £108,062. Mae hyn yn gadael diffyg o £11,698 o'i gymharu â diffyg o £13,737 am yr un cyfnod y llynedd.

Ni ragwelir y gellir creu incwm sylweddol yn ystod mis Mawrth, felly nid yw'n debygol y gellir cyrraedd y targed incwm y flwyddyn ariannol hon.

O safbwynt Hafan Pwllheli, £1,552,740 oedd y targed incwm ar gyfer 2009/10. Hyd ddiwedd Rhagfyr 2009 'roedd cyfanswm yr incwm yn £1,503,451. Golygai hyn ddiffyg o £49,298, ond rhagwelir y gellir cyrraedd y targed incwm angenrheidiol erbyn diwedd mis Mawrth 2010.

O ystyried yr hinsawdd economaidd, pwysleisiodd y swyddog y bydd 2010/11 yn flwyddyn heriol i'r Uned Morwrol ac yn enwedig i harbyrau Gwynedd.

Ychwanegodd y bydd angen gwneud penderfyniadau anodd er mwyn sicrhau arbedion. Fel rhan o'r ymdrechion bydd galw ar i'r staff wynebu trefn hyblyg o weithio, a diolchodd y swyddog iddynt am eu cydweithrediad.

Mordwyo/Angorfeydd

Adroddwyd fod yr holl gymhorthion mordwyo sy'n arwain i harbwr Pwllheli wedi aros yn eu lle gydol y gaeaf. Yn ogystal, llwyddodd yr Uned Morwrol i gyflawni tasgau ychwanegol oherwydd y tywydd sefydlog.

Ymhelaethodd y swyddog a chyfeiriodd at yr angen i gwblhau gwaith cynnal a chadw ar y llusernau sefydlog yn fuan. Mynegodd anfodlonrwydd am nad oedd gwaith allweddol i gynnal a chadw rhai cymhorthion mordwyo wedi ei gwblhau. Nodwyd ymhellach ei bod yn ofynnol i holl Fwiau Marcio Parth y Traeth a'r Bwiau Marcio Cyfyngiadau Cyflymder tymhorol yn eu lle yn agos at fynedfa'r, harbwr mewdol cyn 1 Mai 2010.

Cadarnhawyd fod holl angorfeydd yr harbwr wedi eu harchwilio a'u cynnal a'u cadw, a chyflwynwyd adroddiad cynhwysfawr i'r aelodau yn nodi'r gwaith a wnaed ar bob angorfa, 'Roedd cyfanswm y gost am wneud y gwaith ym Mhwllheli yn £1,850.

Adroddwyd ymhellach at arolwg sy'n cael ei wneud parthed cyflwr stanciau sy'n dal pontŵn. Cyfeiriodd cynrychiolydd y Bad Achub at y bwi ger ceg yr afon ac awgrymodd y gellid cael stanciau parhaol yno.

Digwyddiadau

Bydd gŵyl 'Wakestock' yn dychwelyd i Fasn Gogleddol Harbwr Pwllheli rhwng 1 a 4 Gorffennaf eleni. Fel yn y gorffennol, gofynnodd y trefnwyr am hawl i gynnal yr ŵyl ar y

dydd Gwener, dydd Sadwrn a'r dydd Sul, ac nid oedd yr Uned Morwrol wedi derbyn gwrthwynebiad i hyn.

Cyfeiriodd y swyddog ymhellach at Wyl Fwyd Llŷn gaiff ei chynnal ym Mhenrhyn Glandon ar 29 a 30 Mai 2010. Ymysg y digwyddiadau eraill a drefnwyd ar gyfer y misoedd nesaf mae'r 'Honda Rib Youth Challenge gaiff ei chynnal ar 31 Gorffennaf, a'r 'National Powerboat Event'.

Nododd y swyddog fod Hafan Pwllheli wedi ennill y 'Five Anchors Award' a'r Wobr Baner Las' unwaith eto. Ychwanegodd fod Traeth Marian y De wedi ennill Gwobr Baner Las Rhyngwladol yn 2010 gyda Thraeth Glan Don yn ennill Gwobr Arfordir Glas.

Adroddodd cynrychiolydd Clwb Hwyllo Pwllheli fod 22 o ddigwyddiadau i'w cynnal ym Mhwllheli yn ystod 2010 gyda thri o'r rhain yn ddigwyddiadau cenedlaethol..

Ychwanegodd fod digwyddiadau eisoes yn y dyddiadur ar gyfer 2011 a hyd at 2014. Cyfeiriodd at y gwaith sy'n cael ei wneud wrth rannu gwybodaeth trwy Bartneriaeth Pwllheli ac yr oedd yn ymddangos fod y cynllun yma'n gweithio. 'Roedd y cynrychiolydd hefyd yn fodlon iawn hefo'r cydweithrediad sy'n bodoli rhwng y Clwb Hwyllo a Chyngor Gwynedd.

Rhodddwyd sylw arbennig i'r ddogfen a gyhoeddwyd ar gyfer hysbysebu Pwllheli a'r ardal. Dosbarthwyd rhai o'r rhain ymysg yr aelodau. Yn ogystal, nodwyd fod cynrychiolaeth o'r Clwb Hwyllo wedi mynychu'r Sioe Gychod yn ddiweddar.

Staff

Cyfeiriodd y swyddog at benderfyniad yr Harbwr Feistr sydd ar secondiad ym Mhwllheli, Mr Dafydd Phillips, i ymddeol o'r swydd ar 31 Mawrth, 2010. Gweithiodd Mr Phillips ym Mhwllheli a Phorthmadog a phwysleisiodd y swyddog y bydd ei ymddeoliad yn golled i'r Gwasanaeth gan fod ei brofiad a'i wybodaeth helaeth o werth neilltuol.

Cyfeiriodd aelodau at waith arbennig ac agwedd neilltuol Mr Phillips gan danlinellu eu diolch iddo am wasanaeth neilltuol.

Cadarnhawyd fod Mr David O'Neill wedi ei benodi yn olynydd i Mr Phillips fel Harbwr Feistr Porthmadog. Bydd y swyddog sydd wedi derbyn secondiad i swydd Harbwr feistr Pwllheli, sef Mr Trefor Jones, yn cychwyn ei ddyletswyddau ar 1 Ebrill.

Pecyn Cychod Ymwelwyr

Disgwylir y bydd yr holl gychod sy'n ymweld â Phwllheli o 1 Ebrill 2010 ymlaen yn derbyn 'Pecyn Croeso'. Nodwyd bod y cynllun i'w gyflwyno ym mhob harbwr gyda'r pecynnau yn cynnwys gwybodaeth am gyfleusterau'r harbwr, mwynderau lleol, llanw, bwyta, gwasanaethau brys ac ati.

Pwysleisiodd y swyddog ei fod yn awyddus i'r cynllun yma ddatblygu a galwodd ar yr aelodau i gysylltu â'r Adran os fydd ganddynt syniadau ynglŷn ag unrhyw beth ellid ei gynnwys yn y pecyn.

Croesawyd y cynllun gan aelodau a thanlinellwyd y pwysigrwydd o hysbysebu a denu mwy i fwynhau cyfleusterau morwrol yr ardal.

Rhestr Aros Angorfa Pontŵn Hafan

Nodwyd fod nifer y cleientiaid posib ar restr aros yr Hafan wedi gostwng yn sylweddol yn ystod rhan gyntaf 2010. Ychwanegwyd fod nifer y bobl a gofrestrodd eu diddordeb am angorfa gan y Cyngor wedi disgyn i 202. 'Roedd hyn yn cymharu â 339 a oedd wedi cofrestru am yr un cyfnod yn 2009.

'Roedd aelodau'r Pwyllgor wedi gofyn i'r Uned Morwrol ystyried cynyddu'r gost o gofrestru ar y rhestr aros o £50 fel y mae ar hyn o bryd, i swm uwch o £100. Adroddodd y swyddog fod barn yr aelodau wedi cael ei ystyriaeth ond nododd y byddai'n rhaid ystyried y mater ymhellach cyn codi'r ffi cofrestru, yn enwedig o gofio'r nifer sylweddol sydd wedi tynnu eu henwau oddi ar y rhestr a hefyd yr hinsawdd economaidd fregus sydd yn bodoli ar hyn o bryd.

Mewn ymateb i gais am fanylion pellach a gyflwynwyd gan aelodau Cymdeithas Cychod Hafan Pwllheli, adroddodd y swyddog fel a ganlyn:

O'r nifer o bobl ar y rhestr aros yn ystod y deuddeg mis diwethaf, faint ohonynt sydd wedi gwrthod y cynnig am angorfa:-

- 6m – 1 cais – angorfa heb ei chynnig eto
- 8m – dim ceisiadau yn ystod y flwyddyn ddiwethaf
- 10m – 19 cais 11 wedi derbyn ac 8 wedi gwrthod
- 12m – 3 chais – pob un wedi derbyn
- 13.5m – 2 gais – 1 wedi derbyn 1 wedi gwrthod
- 15m – 3 chais – 2 wedi gwrthod – aros am gadarnhad gan un cleient posib

O'r nifer o bobl ar y rhestr aros yn ystod y deuddeg mis diwethaf, faint ohonynt sydd heb gael cynnig angorfa barhaol:-

- Mae pawb ar y rhestr aros wedi cael cynnig angorfa.

Beth yw'r cyfnod aros a roddir i ymholwyr lleol ac i ymholwyr nad ydynt yn lleol pan fyddant yn holi am angorfa:-

- Ar gyfer pob ymholiad ar gychwyn 2010, byddai angorfa yn debyg o fod ar gael.

PENDERFYNWYD derbyn yr adroddiad.

Ffioedd Angori

Gwnaed cais gan Gymdeithas Cychod Hafan Pwllheli i'r Pwyllgor roi ystyriaeth lawn i'r ffioedd angori. Pwysleisiodd eu cynrychiolydd fod angen ystyried amrywiol ddulliau o dalu'r ffioedd fel ei bod yn haws i'r cwsmeriaid wynebu'r costau. Cytunwyd y gellid trafod y mater ymhellach. Cadarnhawyd fod y swyddog yn ymchwilio i'r posibilrwydd o alluogi cleient i dalu drwy ddebyd uniongyrchol ac 'roedd o'r farn efallai y byddai'n bosib cyflwyno'r cynllun yn ystod 2011/12.

Marchnata

Yn unol â chais Cymdeithas Cychod Hafan Pwllheli rhoddwyd ystyriaeth i ddulliau o farchnata.

Awgrymwyd y gellid cael un pecyn croeso fyddai'n rhoi sylw i holl harbyrau Gwynedd. Derbyniodd yr aelodau na ellid anwybyddu'r costau, ond pwysleisiwyd y dylid ystyried pethau o'r fath fel buddsoddiad.

Cytunwyd y gellid sefydlu partneriaethau fel y byddai Pwllheli a'r ardal yn cael ei hysbysebu yn mewn modd effeithiol.

Dechreuodd y cyfarfod am 6pm a daeth i ben am 7:40pm

CADEIRYDD